



邵亭詩鈔

同治己巳初春借何秋士訪  
先生於吳門書局出此  
贈祭詩稿子存念記



邵亭詩鈔

咸豐壬子遵義湘川  
講舍舊槩同治丙寅  
江甯三山客舍修補

邵亭詩鈔序

昔人以子美爲一祖。以山谷后山簡齋爲三宗。謂子美不可學。學子美宜徑二陳涪翁而溯上之。此其言本不足括唐宋詩家。後人學詩亦多不由此。然而扶質以樹敦厚之教。亦庶幾焉。道光中家大人守遵義。子偲尊甫猶人先生爲教授。大人修府志。子偲以同官子弟延郡署事。編輯器識閣偉。不肯隨時俗俛仰。大人甚重之。又于統爲鄉舉同歲生。交尤密。纂訂暇。縱言及詩。則曰。品詩者謂杜聖李仙。是子美詩孔子也。昌黎當詩孟子。唐義山宋山谷二陳其詩之孫。卿子雲乎。百年以來。有輕

清派興挹誠齋之餘波。冒廣大爲教主。無學人一闕仿  
倣海內風靡。計能矚然不染。蓋僅僅十數公。鄙性迂拙  
不諧世。又無學仙才。何如降格焉。守孫卿子雲之義山  
黃陳之大醇。略其小疵。或藉蘄有見于杜孔韓孟。未可  
知也。子偲昔論如此。豈亦有取于三宗一祖之說歟。顧  
子偲承庭教。專力經訓。曾爲致儀徵相國制。粵所刊  
皇清經解。佐其蓄畚。自以所籍獨山爲漢母。斂有道真  
尹公遠從汝南。許君授五經。開南域學。本朝通儒說  
經。尊守許君文字書。幾聖作等。矧剛水淵源所在者。故  
旣殫心求通會以治經。而朋友子弟講習問難。亦必以

能手紐旨

許君義彊。聒焉其弟。莖升尋以小學文字。先後見賞。丁  
虛園翁祖庚兩前輩。貢成均。于是許君書貴州鄉僻。悉  
有皆子偲倡導以然也。去年冬。統奉視黔學。  
命行至西陽。選子偲破裘泥屨。隨計僕僕。走風雪中。下  
輿相揖。于是與子偲別十三年矣。拉飲驛舍。暢談至午  
夜。樸學益湛遠。信乎其將繼道真。張剛水者。旣讀雷示  
上八年詩。則又刊落時豔。善道人意中語。而皆人人所  
不能道。信乎探義山黃陳之奧。而融去獷晦。以自造杜  
韓之門庭者。吾子偲經術詞章之交進。乃遂至此邪。子  
偲自奉諱後。筆耕僑寄。久無意制舉計偕之行。徒以兼

大挑欲博微祿資朝夕才至荆江上道阻遠返比余今年夏畢試士遵義訝其歸訪之猶喘息未定已復聚徒湘川拮据計鹽米夫計偕人屬望不過取甲科邀一命豈有得失足榮辱吾子偲吾子偲亦豈有不優爲何學富而身愈貧藝工而遇益拙若是然而道真北學終顯荆州去非佳句馴至執政吾子偲瓣香久愈有進愈欲然吾烏知今之靳之非益以策未至又烏知他日之遇之遂不爲道真去非者邪他日之遇之遂爲道真去非吾固知所以重吾子偲仍在此不枉彼也請與讀子偲詩者共質之咸豐三年秋八月順德黃統序

折入似錦

序

凡爲詩不尙流美非惡流美也未至於流美則靳其流美能流美矣而專務以說世不入於卑靡不止是故貴有以矯厲之然後風骨高而性情出一切文章之事皆然若獨山莫君子偲之詩可謂不務流美者矣予初未知子偲始至黔試士都勻得一卷曰莫庭芝古光沈黜灑然異之取貢

闕下既而知爲猶人先生之子子偲之弟耳目濡染使然而無由識子偲也子偲僑遵義今年歸省墓過貴陽訪予於是始得識子偲之面及予受代將還而邵亭詩

存先之抱此恨  
然少年誦習  
不逮兩心遠甚  
宜乎四十後  
追悔無已也

鈔適刊成。於是始得讀子偲之詩。子偲之詩其友鄭子尹序之詳矣。其曰似東野后山。即吾不尚流美之說也。子偲天性惇樸。家多藏書。而又能善讀之。以蘊蓄為辭。章故能遠去塵俗。不失涪翁質厚為本家法。予里中自絳雲述古汲古之後。多喜藏書。予未通籍前。流覽借鈔。常終日肘不離案。通昔脅不至席。誦讀之勤。略如子偲。每念讀書稍多。當一洗少作之陋。而十餘年來。宦遊南北。所蓄秘冊。百不一攜。人事牽迫。竝廢吟詠。其媿子偲多矣。既讀其詩。深知其得力所在。益羨且嫉焉。不能以自已也。黔中不乏通才。如子偲之弟庭芝。及遵義張鑑。

黎庶蕃兩孝廉。異日皆當以詩鳴。惟子偲與子尹。益導後進以讀書。俾知文章之事。必繇能讀書始。黔學其自是可興乎。咸豐二年十月。常熟翁同書序。

序

段誠之云詩非待序而傳也。余謂作者先非待詩以傳。杜韓諸公苟無詩其高風峻節照耀百世自若也。而復有詩有詩而復莫踰其美非其人之爲邪。故竊以爲古人之詩非可學而能也。學其詩當自學其人。始誠似其人之所學所志則性情抱負才識氣象行事皆其人所語言者獨奚爲而不似。卽不似猶似也。獨山莫君子偲之爲詩殆近余所云者歟。當子偲侍貞定先生來吾郡校官時年才十二。已岸然鄙夷俗學爲不足爲。甫弱冠舉於鄉。連試春官皆罷。遂決意求通會漢宋兩學。久之

理學語

學石如是石成  
存充之有此癖  
存充於今事者  
得識先生見  
插架之書皆非  
坊間物也

貞定與太孺人先後卒。子偲以貧也。畢屯夕於郡。率諸弟讀書僦宅中。歲藉塾脩以相生養。麓衣淡齋。時時不繼。室人每閒壁交謔。乃方埋頭蘸朱墨。參攷互校。或拙頰。擲管垂目。以思如不聞。及有檢書籍求售。則不問囊有無。一錢必不令他往。故入其室。陳編蠹簡。鱗鱗叢叢。幾無隙地。秘冊之富。南中罕有其匹。而其讀書謹守大。師家法。不少越尺寸。余每舉形聲訓詁。或一二說異許。鄭處似之。遽雖無以詰詰。意願不善也。以子偲為人若此。則其制境之耿狷。求志之專精。用心之謹細。非似古人之苦行力學者歟。其形於聲發於言而為詩。即不學

東野后山。欲不似之不得也。雖然。孟於韓。陳於蘇。猶賴之去。纁僅一染耳。子偲方強仕。學日宏。日邃。靡底極。余惡知今之東野后山者。不旋化為退之子。瞻者邪。自子偲來吾郡。即兄視余。今又姻也。交三十年。知獨深。其詩自道光甲辰以下八年者。余為刪次以存。故論其所已至者。以為序。咸豐壬子九日。遵義鄭珍。

邵亭詩鈔總目

卷第一

古今詩六十二首

道光甲辰

獨山 莫友芝

子



卷第二

古今詩六十二首

乙巳

卷第三

古今詩七十首

丙午

卷第四

古今詩八十六首

丁未戊申

卷第五

古今詩七十二首 己酉庚戌

卷第六

古今詩四十九首 咸豐辛亥

右古近體詩六卷凡四百一首咸豐壬子歲大人主講湘川及門諸子鈔集辛亥以上八年手稿刊之講舍者也甲寅初冬桐梓賊亟圍遵義城已再踰月板猶在東郭外火及屋山得健兒應募奪入城圍解幸無損壬戌秋大人客皖慕彝孫奉母將板避白號亂來依侍下三峽及紅石灘觸石舟斷

其半先沈人所居半舟飄忽就岬畢引而登乃沈板散惡浪中善泅鈎撈僅獲者三之一既抵皖卽請補刊所亡續以前後十年之作以應索者大人曰徐之漢志載詩賦百六家東京始有別集七錄收七百六十八種隋志通存亡計八百六十八部唐以降箸錄且倍蓰焉計能流傳到今不過十一之於千百自餘眾家豈不擅一世有千載而焚溺頻仍蕩析消爛不可收拾乃如此吾儕才力鈍劣了無以逐今人復何敢望古人俛仰十年間亦連尾無情之水火茫昧乎若存而若亡東南亂未定

曷姑聽諸適然不可知之數兒輩胡此亟亟為也  
越二年甲子江南平移寓秣陵明年冬仲弟繩孫  
乃計峽舟漂失七十九板以印本翻雕丙寅春將  
藏功復請前後十年鈔稿為續則曰昔刻本非我  
意亦既顛預問世故從若輩行之餘者欲且俟諸  
能中病痛譏彈吾文者竝此更汰定過豈晚邪夏  
四月辛卯男彝孫謹識

此跋古拙可喜短先生自為當函詢之

邵亭詩鈔卷第一

獨山 莫友芝 子偁



甲辰生日伯堃兄來遵義省先墓述呈兼示諸弟  
姪六首

日月未云幾。縞練遽相陳。彈琴杳無味。復此生我辰。  
生我豈不苦。庶逸老去身。政爾已未得。重泉齋長貧。  
傷哉三時間。相續背兩親。高天無自呼。此恨當何伸。  
誰言三年喪。要答天地春。啞啞林間鳥。銜魚奉其珍。  
鳥也遂恩私。而我猶為人。永痛良悠悠。徒為歌鮮民。  
我生親已衰。我長家益感。誰使垂老人。猶來就微祿。微

祿元非羞。卑官亦非辱。道德挽頽波。煌煌照邦錄。所傷  
首邱正。未是故山復。雖云治命然。豈不爲恩育。蔥蔥五  
英岡。鬱鬱青田麓。新生草木枝。枝枝向南簇。安知地下  
恫。不斷天涯目。

白髮抱孫心。日夕望欲斷。哀哉呱呱時。遽已餘閣奠。第  
妹兩三人。當婚復當倩。竟無忍須臾。稍副向平願。蒔花  
東牆陰。樹果西屋畔。鮮鮮各含姿。去去不遺盼。果實行  
自收。花發行自粲。花果豈不同。何如眼中見。

祖宗邱墓地。所賴伯氏守。傳聞衰瘦極。遠道懸一覲。忽  
已立我前。昂龐訝依舊。爲言昨暴下。係命在昏晝。無錢

鬼不要。仍爾活世宙。猶勝當年健。眠食抵童幼。吾家祖  
父來。周甲疾例邁。終然益康彊。耄耄躋上壽。兄今六十  
二。此兆喜堪又。歡言問大姊。老淚落如豆。豈惟諸孤癡。  
行且宿草茂。已矣可奈何。生存亦奚究。  
遙遙剛水頭。草草不狼陬。合并旣無計。終古長離憂。但  
願各健在。勿以道阻脩。得閑互來往。相攜撫松楸。有飯  
卽共飽。有酒卽共斝。索此稀見歡。散彼窮年愁。森森同  
根枝。遠植辭故邱。依依共山泉。各自東西流。異邱亦何  
歎。異流亦何尤。勿使沙礫湮。必也眾派收。勿縱斤斧尋  
必也回萬牛。辛勤護原本。千里共詒謀。

亭亭學堂樹青紫紛綉。徒謂華實好。行令根本萎。此語猶在耳。此境那可追。槁木不再榮。逝波無還期。嬰兒在中路。彌懼潔白虧。讀書補行餘。力作安可辭。稱能以爲急。庶保裘與箕。維天遣惡命。所要窮骨支。一骨又支幾。正賴眾足持。弟姪儻念哉。爲爾進一卮。

示啓秀諸生

結廬青田下。將以此身老。老城居擁皋。比生事固難。拗爲師古來患。矧我晚學道。恐孤朋來心。迂見每顛倒。歸求良有餘。獨此今益了。百歲只爲子。孝養苦不早。五鼎誠乃佳。半菽豈不好。窮達命所施。及時以爲寶。勸哉諸友朋。曾閱在所造。勿及老夫時。茫茫泣荒草。

飲謫仙樓有懷昔遊

相看近郭二里許。不上高樓三歲來。剔碣記曾當砌讀。款門驚換對江開。蒲關蕩蕩空雲影。溫水迢迢送酒杯。飲罷不堪仍極目。支離飄泊古今哀。

贈趙芝園商齡

三賢祠下分攜處。中路茫茫共此晨。未面各除三載服。相看同負百年身。能來畫錦終過隙。更向窮途歎積薪。白水漁竿聞道蚤。擬從君後問滄津。

寄平越峯同守翰仁懷廳三首

偶值符人相問訊。山城佳事為停杯。鰓魚小艇行春上。  
荔子炎天避暑回。乞脯偶將書擲去。伴琴新有鶴歸來。  
仕優如此可長賀。勝日老懷應好開。

賦詠刻為來鶴帖

同守方刻所臨顏書更一鶴自至集

不道書來怨索居。名場高興淡無餘。但令詩進從官退。  
須信民親即吏疏。陽羨買田仍未得。鑑湖歸棹定何如。  
莫嫌冰樣頭銜冷。十口今來政要渠。

同守新號退翁先是溫水之役同守

方知遵義府議降知縣今始以署台拱勞績加同知銜

怪我年來絕寄詩。眼前生事可勝悲。循陔風物遠終古。  
快意交遊已昔時。天地無情空灑淚。關山有限共軻饑。

不知禁鍵陳師道。果趁秋帆踐後期。

### 憇雷台寺

酷日不讓路。綠陰招上山。雷公好身手。何事伴僧閑。

### 送伯兄

好共今年住。田功免自任。大兒癡未極。垂老念何深。  
風雨雙愁鬢。關山一破衾。秋聲漸蕭瑟。客思若為禁。

### 別兄獨返

伯兄今日別。向我倍銷魂。晚雨獨歸路。孤煙何處村。  
石田償債贖。愛日禦冬存。即有還家樂。生涯詎可論。

鄭子尹珍自京師歸畱飲影山草堂

烈士壯心

草徑無人掃。茅樽待爾餘。一鞭風雪裡。開過紫薇花。

子尹鎮遠寄書。訝有不料生。見無陽江語。既晤乃  
悉其京塵劇病博二等官。九死歸來狀。

生見無陽水。書來動我魂。畏途真有此。薄命復何言。尚  
及庭闈在。須知天地恩。微官終可喜。險阻更休論。

### 池上有懷

曲闌扶薄醉。徙倚度斜曛。酒意風前失。荷香月裏聞。又  
魚尋故事。過雁感離羣。寂莫他時興。孤吟送夜分。

### 意行

意行意坐一枝筇。已過石橋東更東。勝日溪山皆畫裏。

閒人天地是壺中。平田半熟迎秋稻。野圃新滋過雨松。  
沮溺偶然煙語久。夕陽明滅度青楓。

### 驟寒憶苴升弟

庭芝

驟覺茅苔酒力輕。禁寒只自閉柴荆。那堪今夜南明客。  
獨倚孤檠聽雨聲。

### 題崩小崖

關係參軍畫梅卷

髻年手種三千樹。茅屋蒼苔泐煙霧。眼明深雪幾枝開。  
冷香將夢還山去。

### 西齋二首

西齋終日閉。南國幾時歸。怖鴿喧聲雜。冥鴻過影稀。斜

斜爭路草黯黯避階薇。早道須料理。秋碁未解圍。后山  
奄奄憑硯匣。夢夢枕經函。午日魚開鑰。秋風馬脫銜。僕  
童茫進退。竹石飽雕劖。恨殺荷花水。長年不可帆。

越峯同守招過仁懷廳不果往因寄

安樂江頭水。秋風夜夜心。城尖西上望。山色雨中深。白  
髮添身累。黃花笑獨吟。我知相遲意。遙此共蕭森。

過府學棠陰書屋呈蔡苴谿兆馨教授

不以西山老。斯庭可更升。棠梨三畝宅。風雨廿年鐙。壁  
影明新雪。堦紋拆舊冰。小來歌哭地。俯仰百憂增。

湘川上呈山長王夢湘明觀察

西風滿意晴。吹我赤藤行。野徑將花轉。村籬就竹成。樹  
搏溪日影。雲逗石泉聲。為問王摩詰。清遊似孟城。

姜丹輪延桂處士移寓招飲觀鄰舍穫用山谷韻

老丹選寓愛農居。四面隴雲供讀書。興來喜拉酒人往。  
深杯百斛瀉真珠。我曹未緣問磽腴。檐下散襟良自如。  
何似饑歡諧下溟。候雞揚楫越平湖。

寄答王介峯介臣上舍

郎州閱歲鬪班衣。別去惟愁會面稀。我竟無天供菽水。  
君還有地奉庭闈。芸人萬里終何益。愛日千金要蚤歸。  
剛水孤兒殷鑒在。慎旃休使願相違。

使人怦然心動言之  
之不可已也

苗升弟生日余以館絆休歸徐松階維棟過飲

人生得喪誰能見覆雨翻雲競此場未礙到臺遲谷儉

謂舍弟不轉愁操瑟怪陳商試松階方兼旬一雨老杭黑

十日未歸山柿黃那可相辭無算爵明朝零露欲成霜

怡軒歌

湛湛良秋煜煜佳樹開我怡軒兄弟既具千里同心吹

蘭斷金矧我連氣後裾前襟鴻飛自南有肅其行顧念

徒侶悲鳴傍徨浮雲東西頃刻萬態脂車在門莫知所

屈圖書四陳短檠二尺秋風相提夜以繼日雀鼠營營

風雨淒其一隙不塗摧傾繼之虎豹墮地氣能食牛松

言毋失時也

言立骨也

柏盈尺歲寒不憂來日大難去日苦多今日何日勸哉  
短歌

簡夢湘觀察兼致張楊園先生書

索莫荒江上名流豈所居要知行道意不與奉祠如栗

尾勞清餉鋒心謝妙書觀察屬篆其太恭楊園應有意

聊用報瓊琚

簡趙曉峯旭

邵亭隔歲一杯酒風雨狼山北望昏憎命文章隨手是

破荒耆舊幾人存曉峯方編輯青精可服難真訣黃獨

無情只閉門何事向人將歲晚不來重醉老楓根

次子尹韻贈曉峰

鄭君銀潢胸。萬里瀉天界。趙子秋隼氣。萬仞不受械。各居萬山中。和光混盲瞶。撐拓今古腸。擺落天地隘。來青開八窗。風夏記清快。斤斤顧文獻。共守雞肋噉。時時賴珊鉤。數數慰鬻廡。麤犢就杼機。苴削遞丁屈。子尹同應遵義前守

黃愛廬觀察招撰府志開局府署來青閣時兩縣閒百曉峰任採訪事余背兩親二君亦先後喪母

里消息斷一介。誰憐中路軀。集此眾口赤。頓杖幾莫逃。輕薄可勝話。至今子午屨。細故畱裂崩。傳車辭首郡。攪

人鬼怪。安能緣鼎內。賺使僕僕拜。子尹計偕歸道貴陽適新撰府志稿具賀

耦耕撫軍畱屬君胡不茲懲。犯鬧猶自瘵。豈遺剔幽遐。改勘固以疾辭

寒餓不少憊。示我筌與略。一一導厥派。夜郎彈丸地。漢使早可喝。曉峰於桐梓詩略外復人生即金石。安保長

不壞。古來身後名。同時苦摧敗。離根偃寒菊。弄色明玉

溼。念茲良會難。要且百情殺。豆酒月未升。無為遽言邁。

殷勤平生詩。姑息重吾誠。故交誠寥寥。序集名當挂。我

才于若人。束筍視垂薤。妄言輕安聽。不爾恐子賣。此事

饒鄭君。灸達出聲歎。暇暇更眎之。將以十罌芥。

黎柏容兆勳見過招趙曉峰王子覲槐琛同飲用

前韻

人居蒼球中。浩浩本無界。山河雜流峙。已若地所械。耳目成性命。異同遂明贖。醯雞誇甕天。豈識著身隘。平生文字交。猛氣力橫快。攬持八極餘。要併萬古嘖。深秋楓樹巢。落月海棠廊。酒藤時孤尋。詩袂或聯屈。唏哉羣兒愚。飾此盛氣介。彊成終日儻。祇博滿身疥。攜持溯激流。湔洗付清話。人情各姬姜。吾道詎管觚。謁來幾何時。身世益可喟。自為苦上瘠。愈作米中稗。感深老黎檬。觸事略讒怪。兩番封樹助。念及淚且拜。胼胝無少辭。畢事有餘瘵。孤吟成連年。講學氣亦憊。謂余及茲閑。共助理其派。寥空發鯨撞。蟬蛩罷嘶喝。昨日小尹來。亦歎末流歎。

慨然以世道人心為己任

存心與先生同病

相看俱鑿柄。何術救偏敗。馳心思天瓢。稱意瀉靈漑。蓀蘭徹天秀。榛棘市地殺。斧柯在何許。日月信于邁。蕭條幾朋舊。利病尚箴誠。趙子杲堂侶。咫尺行囊挂。王子管谷徒。東門隔園薤。相呼永今朝。差論不疑賣。明當子歸去。閉口懲妄欬。小寒吾欲東。重言對舟芥。柏容讀書處日芥舟水榭

寄答萬丙照全心表兄

鉤弦不同途。榮萃在所向。誰持道邊心。易此封侯相。平生坐蠢愚。往往召非謗。自從出來青。齒舌最無妄。低心自懲艾。極力走風尚。厚顏難自如。乍合旋失樣。禮義苟不譽。胡為過周防。孫言抱先訓。擇議安敢抗。和叔言先

生未信疑亦儻敬謝德鄰箴取友勿更浪

王子覲米市牆根有弃菊自開為詩寄意余約為  
絕句云是菊無人識深秋也自開凌霜三兩朵已  
有酒徒來復為和之

黯淡欺荒草蕭寥倚破臺市塵埋不死還傍早霜開

張桓侯廟訪舊不值遂看菊於孫臍祠

張侯廟前栖斷霞孫子祠邊多菊花弄霞高人向何處  
菊花邀我過孫家孫家碧檻臨溪水菊花照影嬌羅綺  
羅綺成行兩隊開祖風卻憶吳宮裏吳宮魏竈已成塵  
爭似黃花歲歲新老兵失卻老兵在可惜昨日茅苔春

茅苔昨日不須惜急管繁絃動秋碧隔岸方祠涿鹿侯  
當軒又賽阿郵客花東歌罷花西舞為問兩君爾何取  
鼓刀未必辱雄名刑餘竟要成初祖屠兒于桓侯鞞工  
于孫臍皆以樂祖  
祝世間遇合真紛紛屠子鞞工休彊分乞我菊花雙鬢  
滿長謠搔首一思君

撞音鑼行

撞鑼打鼓客滿堂怪畫猙獰搖燭光病豎橫行要神治  
老巫狎神解神意彎彎叫徹陰風來紙錢索飈靈旗開  
左持巫童右巫女俚曲千番互吞吐低鬟屈足往復迴  
酌神一杯復一杯椒檀氤氳燭花紫神媪神公盡歡喜

主人拜起如桔槔。從心順玆非輕拋。茅君更進一杯酒。  
沈疴付爾陰山後。東鄰昨日疝病新。劉羊殺豕吾巫神。  
西鄰無錢疫未瘥。要喚神巫捉雞賣。神靈不靈巫口生。  
玆吉不吉巫手成。前巫出門病不利。後巫辭辭舞陽戲。

草堂雜詩三首

傲得城隅半畝園。茅檐小巷似深村。閒雲帶鳥常依樹。  
清月隨風直到門。便買溪山終作寄。得將妻子已稱尊。  
牀頭賸有重陽酒。判倒花前老瓦盆。  
西窗讀書清無鄰。東間坐眠還絕倫。溪聲夜靜或到枕。  
雨餘山色更宜人。朋來時有文字酌。秋過況絕蠅蠅噴。

開拓萬古心胸

盾直盤硬  
神杜遺

誰能老去且少事。便此市中堪守真。

辛勤諸弟事芟培。一日荒蹊走百回。但有雲山落吾手。  
何妨桑竹替人栽。薈蘿煮鶴增前感。蕉屋巢鳩喜舊開。  
小住漫思明日事。百年官舍亦蒿萊。

示子厚弟 生芝

自從入世為兄弟。已十二年生爾先。便令上壽各八十。  
止卅餘歲相周旋。中年哀樂還成路。遠道風波未繫船。  
算有幾多開口笑。可容鬱鬱取熬煎。

寒雪炭盡

天與晴冬福。饑寒半解攻。雪偏今日甚。炭更昨宵空。白

取境奇絕具  
看今昔之感  
昌黎所謂氣  
盛故言宜也

幌疑堪曝虛爐每誤烘不禁愁只睡飛夢過春風

雪中用東坡韻

老農不用事契龜曝背浪說天能知謂余冬暄作雪骨  
在此數日南風吹北風轉肉雪當下我首漫頷掀髯  
五更忽訝冰底臥起索茶盞鏗成斯始思農語正有以  
悔不備禦安忘危開門欲出兩腳硬階影射鬢寒絲絲  
嬌兒健絕已免脫搓酥印餅紛施為指搗叫躍落凍鳥  
來去倏忽不可持鼻端咻咻汗渥赭豈有冷暖干膚肌  
忽思阿翁昔似爾快此百劇呼羣兒款杯楫杓不亦數  
聚及課經抽暇時風陶雲鑄幻奇偉五色炫晃環書幃

老人扶過罵且莞亦詫窗戶回春姿風燈轉眼竟隔世  
萊衣有興空淋漓人生快意貴少壯頃刻茅舍生瑤墀  
老來身手百無用只此破褐還慵披炎天買炭笑早計  
取暖苦逐前庭馳尚誇几案絕塵氣欲酒時復窺空卮  
詩翁斲棘壯士臥驂驕踏無人隨心之紛亂何處解  
愁望一歌韓退之

青蛇岡

懸岡塞東崦出若自天下回尋石級望欲度似無罅洪  
江走其跟峽石亂鋒射危橋著鋒顛股栗過先怕播州  
數險要烏婁南北跨欲固東西藩置守此其亞緬懷偏

天下事往來  
者既連不  
局者時望忘之

橋師三國收叱咤。謂長坎瑪瑙保仰攻還失利購死出  
奇詐礮聲轟葛背。腹裏始惶嚇海龍共乘勝。一炬掃中  
夜。當時東路功。豈讓吳劉霸。祇今承平久。武備安弛罷。  
區區山縣地。矧已遍耕稼。守官無久任。能到事尤乍。暫  
在得安居。備禦反增詫。徒令殘壘痕。迂生過嗟訝。

近寺

近寺羅幽陰。長柏森廣路。石瑟弄溪聲。泠泠太音度。冬  
暄招不來。清寒難久駐。

溪人

溪人漁作糧。冒冷刺溪水。魚鷹不受遣。曝翅蹲石觜。貪

鳥詎不貪。知還笑漁子。

自青田沿谿過。在灣椽村。呈柏容子尹兼似丁吉

哉元勳

東里谿山喜深窅。夙約鄰居事幽討。四年何止百回來。  
每有經過俱草草。辛勤良友助新阡。封樹粗完苴蒯了。  
閉門三月養餘生。人事不營還意槁。邇來漸欲趁蕭散。  
幾費期招當及早。意中甯許過黃花。到已丹楓寂如掃。  
青田山廬厭枯坐。乘興沿流踏清曉。雪晴轉益山態嬌。  
錯落松雲飛羽葆。經巢甥甥松東西。歲晚適逢公事少。  
丁生遠在溪上源。一杖翩然落松杪。桐枝玉蘭白杲杲。

慨乎言之

忽下平沙化漚鳥。石斑藤酒真及時。賸喜未被梅花惱。  
似今良并算有幾。眼前聚散矧難保。子尹明春當行徑須  
一步一傾杯。十里溪山千盃倒。昔遊如夢久不省。溪翁  
尚說方舟巧。拍手兒童渾長大。停撓沙漚難徵考。當時  
豪翰各少年。今對攢眉俱醜老。古來抱才要用處。暗裏  
連城誰見寶。區區石縫蟻叩頭。苦逼長吟湊新稿。柏容索詩  
甚韓蘇李杜固千秋。詩縱能佳終命好。君不見。柳洲突  
出盤螺小。牛山屈曲清波繞。稍添樓觀襯煙花。何異雙  
尖插蓬島。可憐無幸落窮荒。指似漁樵頭不掉。

晚歸青田

高林天風長。曲澗溪路永。削壁搖孤光。澄流寫疏影。日  
落沙漚殷。雲度松杉冷。吾與鳥同歸。昏鐘閣前嶺。

曉過望山堂

屐痕齧草一寸霜。溪東溪西白茫茫。倚天一杖挂龍尾。  
咫尺不辨黃茅岡。朦朧野徑無來往。隔竹幽泉佩環響。  
高人欲起雲出門。百道金豪射松牓。

贈王敦園德厚

我愛敦園叟。烏巾錦里同。詩書能不累。芋栗頗時豐。丙  
舍三年住。西鄰一徑通。時來松竹裏。把酒話田功。  
子尹柏容並見和宛韻疊韻奉答

吾輩之善結  
以石了家也

珠井蘿村縱娟窈。不因彼美無人討。浣溪雪堂漫遊宿。  
千古蓬蒿盡瑤草。當時何事非偶然。付與後來成不了。  
樂安只計百年前。徒擲緇流伴枯槁。可惜劉郎易未到。  
更歎青蓮赦尤早。長山父子真崛奇。榛蔓力藉詩書掃。  
洄溪瑟瑟度弦歌。荒箐陰陰回白曉。至今文采在諸孫。  
直可中原樹旗葆。我家剛水隔重關。色養嬌嬈愁力少。  
老親累作為貧仕。一官永弃家山杪。反哺徒存誰屋鳥。  
銜枝只羨馴廬鳥。道真不嫌鬻水葬。仲卿詎斷廬江惱。  
十年前豈計今日。浪約諸君共鄰保。青田一兆定天為。  
豈有筠松能杖倒。頗聞鄉閭失表正。醞風去盡餘機巧。

倘教綾路尚容歸。銘旌度嶺還先考。長子誰為近學遷。  
索居應共餘干老。眼中博識范元平。名理過江逾見寶。  
謂子尹移居依外家敬冲攬筆足千金。山水膏腴供削稿。謂柏家  
學慚無北海益。素心自幸南村好。安知咫尺非峴山。漢  
水襄陽心自繞。何時有錢絕浪走。爭與閒漚占洲島。牛  
山之木美可憐。斤斧無情但心掉。水牛山在樂安江中長可一里許水石糾  
繆林木森秀主者不自愛日尋斧斤可惜也

集柏容姑園子尹復有苑韻詩時盆蘭忽開感疊

前韻

盲人不解蠟與爽。草木風聲說誅討。古來賢哲在當時。

大人毒子之心

身世何人非草草。勢方得爲從爾爲。事如可了行自了。  
炎歎何處覓松杉。霜雪終難潤枯槁。吾儕學古才力鈍。  
于道謾聞還不早。未能鄉愿除舉刺。自把靈臺精洒掃。  
入門不免妻室摧。涉世焉求家戶曉。男兒自作一生事。  
一息尙存仍纒葆。檢身正藉多口憎。顧影只憐將伯少。  
日來一聚殊偶然。怪絕靈葩茁冬杪。三花五箭定何意。  
喜氣排溫快魚鳥。乃知臭味成德鄰。人自欲窮天未惱。  
我思先王學校意。正似都民樹城保。不明信義卽烏合。  
譙堞儼然城已倒。眼中豈乏高才生。習鬪師心窮俗巧。  
犍爲毋斂更何說。湜之山甫已難考。爭看繹繹上青雲。

威武不屈貧賤不移

豈計悠悠成白老。恨我不見諸老翁。猶淑餘光窺至寶。  
敢因嗔罵變心性。浪擲桑糧換芻橐。蚯蚓方談草根樂。  
蟾蜍更道蕪林好。貧兒出語那中聽。賤士撫懷空自繞。  
只應子弟遲傳人。望道免令風引島。題詩自大效經巢。  
未到終篇屢頭掉。

青田山中三首

山紫墮人衣。罷飲日已暮。娟娟松際月。白入松下路。微  
詠獨歸來。宵漁踏沙去。  
路轉山徑昏。靜觀生白影。潺流響深澗。小步不敢逞。何  
處未歸人。石苔話清冷。

孤眠不成寐。往往中夜起。泠泠石泉響。稍稍風竹裏。月落暗香來。梅花隔溪水。

溪上

朝朝溪南行。暮暮溪北坐。耽此野人居。茅檐花竹裏。酒熟不須肴。信意摘紅果。溪鳥忽飛來。白向尊前墮。

用宛韻送子厚弟歸都勻應童子試兼示大猷遠

猷兩猶子

入小無偏大無爽。方許提師講征討。詞章小技壯夫嗤。能整一軍殊不草。科舉文尤小之小。聖處畢生仍未了。自從鄉選變鎖試。抱才但不甘枯槁。便令孔孟落今朝。

亦望科名致身早。爾今歸去固吾願。況喜先塋得親掃。顛顛一決人盡然。利鈍所存君自曉。憶昔初從校官署。我未成童君緼葆。二十年間幾大故。我忽就衰君豈少。親存手不奉雞豚。喪祭何曾答纖杪。失羣徒羨北歸鴻。安巢未作南枝鳥。矧此平生毋斂學。一綫將湮尤可惱。幸我猶能道麤粗。爾曹正賴恭持保。要憑一髮轉干鈞。小縱卽隨流俗倒。飛黃騰踢上亨衢。此中由命非由巧。秀孝爭營鄉會場。童冠不離科歲考。五經四子付俳優。一事未通俄已老。須知大道祇切身。逐處支離徒喪寶。寒天遠道增我晞。凍雪鬼鬼排箭橐。鄉人謂茅勁直者箭橐草亦曰箭程

先生詩可抵  
半儒語錄

勉撐腰腳當肩輿。百事那如親在好。習勞是分亦是貧。  
甯似身安心不擾。將詩更勸兩猶子。近已牂柯冷雙島。  
水經注牂柯亦江中兩山名。引左思吳都賦吐浪牂柯。道真茂理要薪傳。祖訓書  
紳莫輕掉。

陳相廷際同趙曉峰並見和蘇韻疊韻答之

男兒恥作曳尾龜。浪逐穢繡求人知。何異操舟不安柁。  
美惡顛倒從風吹。君不見民部尚書拜李緯。元齡但說  
稱其髭。仲宣有才獨寢貌。荊州兩眼生凌澌。又不見清  
忠強介嫌眾疵。建中非相由天危。奧援一決進皇甫。更  
以朋黨汗冰絲。人間何者定美好。濁世擾擾方爭為。富

樂道自足人  
世榮辱固可  
勿論

貴無聊想仙去。鶴背萬貫誰手持。一生喫著尚無幾。外  
此豈有關膚肌。試問雞鳴踏漏候。三殿何如破衾裏。裂  
任嬌兒萬錢費。盡無一箸何如藜羹當。餓時樓臺百頃  
蔽雲日。何如天地一重幃。錯文列采充篋。以自朽何如  
羊裘自適山野姿。文如杜房武褒鄂。圖寫麟閣神淋漓。  
濟時未了青史債。盡瘁不許辭丹墀。何如桃花流水放  
船去。鱖魚入手青篲披。陳相廷閒官可樂休。言畢邵亭  
輸爾還饑馳。官田稻熟公事了。繫馬便傾三兩卮。趙曉  
峰邵亭與爾同孤羈。一方破硯常相隨。但願泮妃有靈  
更不老。樗散何妨劉獻之。

平越峰丈書來道已引退得請束裝甚急率寄數句不能盡懷

退翁掉頭被官誤清氣逼人畱不住一身之外復何須  
詩卷纏腰便歸去賀監湖頭佳月生右軍亭上白雲行  
蒲關東望知何處雲月蒼茫萬里情

書子尹詩卷後

經巢小尹珍道古卓聖域狂狷四十年顏頤無人識鬢  
絲得樗散投老校官席作詩乃餘事已闖韓杜壁連山  
挾溟漲萬里動海色才多不自愛抵鵲賤瓊璧平生千  
萬篇羅萃才十百但論所睡弃猶足一代特烏紗無嫌

容後氣等嘒炙。連城出和氏。按劍終眼白。飄零已可哀。  
薄相更遭劇。雕劊何苦天。要把眸子匿。暫去雖見還。細  
字未慙慙。家傳陽里方。修熬得常喫。來者可如今。脫手  
輕浪擲。自慚瘦生苦。餘子亦能役。眼中天下士。唯爾如  
且惕。筆硯未忍燒。几案欲常得。已呼寫官去。早晚畱副  
墨。生涯雞餘肋。歲月駒過隙。生世不行道。文書動遐覲。  
茫茫古賢哲。千春同淚滴。

寄胡子何 長新

鮮民徒在百非初。蕭瑟城隅學隱居。奇字何人將酒問。  
荒園時自帶經鉏。風窗簪影還思爾。露砌棠陰數起予。

近假金壇向南閣。九千名義可爬梳。

邵亭詩鈔卷第一

受業胡長新  
弟庭芝同校

邵亭詩鈔卷第二

獨山 莫友芝 子偲

正月四日東行抵姑園宿用子尹韻答柏容

梅花林邊犬迎吠。長鬚啟門延客至。滿堂銀燭爛烘烘。  
呼笑團欒好兄弟。相看共詫何處來。如此嫩年各羈滯。  
公然上客僭華筵。百里佳饗豈天意。看君不是泥塗人。  
采芣和平亦能濟。後堂芳蘭多變放。眼見牽連舉孳孳。  
宋人貴賤元未公。齊人附益乃前戲。犢車塵尾知不來。  
說有談空儘無悻。剛言嗜好殊豹人。煮魚更索明朝醉。  
是日適柏容納姬孫豹人詩  
云本是彈箏手貧來學煮魚

送子尹權古州廳訓導

早算開燈虛舊約。逢春送客果愁顏。老虔才譽應初館。  
 小尹師承得好還。廳學新立其地當漢毋斂縣東南毋斂鶯花下剛水。  
 罈成烟月待王山。說文潭水出武陵罈成王山山在黎平府界瓜期盼汝青  
 田舍。酈注桑經細檢刪。

人日荏灣聯句次韓韻

散坐京兆阡。鄭珍林鳥變晴弄融風蘇水木。友芝煦氣  
 殺冰凍。士農疲放閒。珍飲食習奢用手禮親姻交。友芝  
 尾隨壻姪從。精粗盡器同。珍老小裏餘共紛吾樂醅朴。  
 友芝從俗有迎送。依依話行李。珍絮絮雜菱葑霞餘孤

旆飛。友芝月度一梭縱。卽事期優游。珍遠涉憐倥偬。七  
 日古所敦。友芝惜光倍增重。珍

十一日姑園夜坐用前韻再送鄭大

深宵酒闌犬驚吠。歌呼偃仰無不至。老僕齟齬僵觸屏。  
 伴人尚有梅花弟。謂水仙祇今選人何所擬。一似塵穉肆  
 中滯。屠龍之技亦可沽。雖復冷官聊快意。但期不負平  
 生心。儒者于人豈無濟。直道能消行路難。奚用荒崎歎  
 溶孖。昔年看爾平彝作。手闢蠶叢等游戲。此行百事詩  
 是師。莫但長眠取人悸。龍標左右足樹雞。爲割干頭佐  
 饑醉。

過張霽嵐雲藻白高雲標昆季鹿鳴村作再宿呈

二君兼勸其子姪其詔其謙其均四首

鹿鳴溪北村五里望城垣我來廿年上  
引髮奉家尊村中好昆季堂背春温温  
良辰得招邀襍被梅花根百憂不上面  
期在色養敦君衰著且脫我經加又原  
相看但引涕銜恤難具言古誼感良友  
百里助扶輶慚余積倉皇經舍忘款門  
湊閒成今過梅花幾經繁尚記白高兄  
送學銀花翻驥子復嗣鳴更及纏紅樽  
攜抱半已翁忽如朝昏

久客惜人情嗔肘聽援止況此兩世交  
令德續鄰比既

來判畱宿維繫翻近市深宵談益縱  
更酌雞唱起深佩夙昔言瑣事求至是  
輕心嫌細碎艱大終莫理空言侈王陸  
肆意益骯骯我無三尺喙從爾干副業

徑竹弄微響一犬驚信信千犬競相答  
呼警徹四鄰風吹度前溪連村吠相因  
但覺聲漲天起處乃無人昔賢昧俗檢  
憎口誰識真更師誠乃巧翻得緣料甄  
此意果如矢此道焉緇磷值者勿復較  
較亦奚足伸

執役喜諸郎歇手即傾耳幾回送難義  
頗或契根抵俗學錮難醫經傳祿徑視  
能持矯矯意泥處不甘滓即此具道資  
敏鈍詎殊軌所貴制其偏唯敏愈難恃  
顛蹶多

龍駭往往免驚駢。終須十程奮。只勿憚千里。傳家不易得。但看蠹餘紙。時有故家子寄存殘書二籠當時焉計今。斷散不堪理。盛衰固常然。人至天且靡。努力及少年。時還念諸此。

二哀詩并序

清鎮縣戴粟珍。黔西州史勝書。竝蘭雪吳先生能詩高弟。已而留意樸學。相與研精文字。故訓以治經。從善若流。改過若讎。未見其有止也。勝書字適洲。道光乙未舉人。屢躋禮部。歲庚子客死。奉天粟珍字禾莊。貴筑籍。己亥舉人。禮闈亦再罷。持勝書喪以歸。顛顛數歲。復以甲辰秋死於家。年才四十。勝書才三十五。

撫今追昔黯然成篇

此時何卒卒。此道誠茫茫。前年喪適洲。去年喪禾莊。辛卯昔秋比。儻舍珠橋旁。二子始相見。有詩各盈囊。沽尊互吟哦。天風助雷礮。爾時觀場人。來往何穰穰。探門不敢入。瑟縮盡走藏。貴陽十萬家。口遍狂生狂。珠玉乃按劍。拾我簪與瓶。揮手就驛傳。恨不同頡頏。垂翅卻歸來。南明發珍裝。林林許鄭徒。一一攤滿牀。戴子闖然入。笑詫多錢賈。挑鐙述師法。倒廩傾我筐。惜慳史子緣。遠末共此商。那知寄聲聞。上途互躑躅。躑躅影逐飛鳥。氣欲無岷嶼。乙未始長道。攜持更城隍。分書壯萍蓬。商歌助行

觴時晤禾莊于會城北門橋相將過其寓為適也雖未

逢金臺喜同裳心塵豁舊雨快勝渴飲漿萬里憶老禾

贈卷翻囊箱安謂浩浩才尚被先入纒幾見中條吳定

襲王漁洋見面顧我揖改弦謝遙匡勇哉喜過心進德

安有疆春明復戊戌逐隊顏如牆翩翩後來秀裘馬何

揚揚老醜介其間亟睡逾不祥謗盛誼乃見老適真古

腸時攜予亭孫慰我西間房登音犯眾口厭物生珪璋

子亭辛卯同年畢節人名懷禾猶客南明念之道阻長

思有才華亦屢躓春官客死禾猶客南明念之道阻長

眊睪抵皇華貴筑驛名繫馬十字柳秋風快執手有話苦不

詳誰知草草別再會無復望圖經來騁人鶯軒曲荷塘

適也適來遊羽檄交不狠過余夢初覺影窗見艱艱稻

梁既齟齬尖又乃撞搪戊戌冬或以書記薦適洲於遵

相值余與鄭子尹方以遵志絆郡署聽鶯禾也妬未諧

軒唱和江韻長篇適洲亦疊和再四乃行禾也妬未諧

郵筒走琳瑯風雪老適去黯送延江航遂聞復報罷饑

馳遼海陽禾也已公車兩鳥或待翔終然崔立之所乏

勢力將萬里得空手歸已愁資糧干辛鳴綠水更持史

君喪呱呱兒方綳子母在孀殷勤事畜計懼使良朋

凶遂令年來心劍端半摧鉞負米仰童蒙懲羹守高堂

嗟余失兩親羨彼得具慶貧賤那足道菽水逾羶薊有

先生於祿不  
遠親歎不  
已純摯可想

哀痛迫切實  
有此境此即  
所謂人言中道  
而人不能道

鬼伯意施爲曷髻曩昔耳史子耗苦出切所當雖嫌往  
哭虛含淚時滂滂今也更戴子盛年窮愁狀仰視夢夢  
間但覺日氣荒愴神已無淚逐事皆冰涼默思昔時遊  
中年各類唐四海小尹珍病來賸眈眈經生不三四苦  
爲饑所殃有力不暇施俳優老糝糠其餘風雅侶牽蘿  
謝華妝莫窺椒宮深敢覬織女襄而我其削餘鬢須換  
前蒼明明鏤心腎忽忽成遺忘自於英俊疏益中泉石  
肯揚揚紛蓬蒿蘭茝乃不芳二子旣宜爾生存益惶惶  
辛苦欲奚爲百歲風燈颺何如把鉏犁立得收困倉何  
如結網罟日飽鯉與鱸不爾挾大旗橫海擒其王銘勳

吾可如何

鑿碣石絕島皆輝光人生但快意章句安足彙懸懸顧  
吾後荆榛尙衢康大恐龍驥姿岐蹙萬里驤甯唯二子  
痛實爲吾道傷謂彼蒼蒼天未欲文捷牂天意定不爾  
我懷安所償悲歌不能休拉雜書此章

悼張孝廉 醕一兼懷亾友孫予亭

孫郎小楷日二萬張子時文還卅篇日下何人能比捷  
眼中於我獨相憐窮愁竟爲公車積痼疾還從解主傳  
果否修文知苦樂孤兒窺突每無烟

悼楊生 承德

瘦骨秋風裏詩囊藥竈邊孟郊還失子李賀豈長年扶

病古音考。禁寒急就篇。向來隨手物。欲乞蠹魚穿。是所書

古劍篇

電光煜煜頰蚪尾。曉躡晴雷曳天紫。寒芒上逼牛斗愁。鏗然斥墮雙吳鉤。列仙之文太乙寶。豪士拾之矢絕倒。陸剽水試何意氣。眼底妖氛不愁掃。十載誰知一片心。鯨鯢已荷海恩深。苔生鏽澀嬾開匣。風雨從渠龍虎吟。

小飲子觀家

茅茨雖不廣。高勝俯山城。遠岫牆頭立。閒雲屋角生。就花移酒盞。隔竹度鶯聲。不覺碧天暮。長歌下月明。

先生之有此  
詩

過丁右衡世選山長湘川講舍

近郭春將半。平林綠漸齊。雲光山隱見。花氣水東西。細草縈沙軟。歌篁拂帽低。何緣丁敬禮。終日苦吟批。

宦子蕃必晉山莊

野瀑亂林壑。長疑風雨來。崖緣白波轉。戶對青霞開。石徑扶藤上。行沾帶月回。山中無主客。烟語共莓苔。

舒衡峰其鑑秀才觀我軒望桃源山

山翠迎窗掃不開。百花深處見樓臺。明朝不共花中醉。如此春光更幾回。

社日值喻雲鉏經拉野飲

社日山尊好。濃春引興遙。萬家晴翠裏。千嶂夕陽嬌。月上衣如溼。風前酒未消。岸花三十樹。扶著過溪橋。

喻言如綸招飲桃源山冒雷雨夜歸二首

萬瓦刮風鳴。南來雨勢橫。雲垂千障夕。雷掣半川明。檻底青春遠。尊前白髮生。相看無限意。更惜阻重城。喻鳧憐路滑。酒過免重傾。笠屐呼鄰借。波濤趁步生。燭經簷溜滅。人躡電光行。可念山田賸。呼牛徹夜耕。

得子厚弟都勻來信

隔年衝雪去。未定幾時回。更事憐渠少。貪狂不自裁。鶯花千樹晚。風雨一書來。故國今成客。離憂豈暫開。

奇景奇句

青田遲黎大不至集謝

近澗涓密石。援蘿聆青崖。春心自相屬。美人竟不來。圓影早已滿。苦此夜難頽。

送春飲溪上集謝

心跡雙寂寞。懷抱觀古今。索居易永久。寒開暫窺臨。乘流玩迴轉。舉目眺嶇嶇。春晚綠野秀。夕曛嵐氣陰。芳塵凝瑤席。迷鳥懷故林。節往戚不淺。萋萋感楚吟。

登樓集陶

少時壯且厲。顧瞻無匹疇。投未去學仕。張掖至幽州。掖言兩棲棲世中事。冉冉星氣流。重雲蔽白日。素標插人

頭檢素不獲展。吾生行歸休。茅茨已就治。弊服仍不周。  
量力守故轍。及晨為茲遊。虛舟縱逸棹。閒谷矯鳴鷗。亭  
亭明珥照。迢迢百尺樓。擁懷屢代下。惟見古時邱。未知  
明日事。當復如此不。得歡當作樂。知命復何憂。

坪上

朝從坪上來。眾色淨如沐。時有早耕人。林陰飯黃犢。

洞中

溶溶洞潭春。蒲藻堪把玩。潭面簇飛花。游魚吹復散。

殘雨

殘雨弄溪烟。青林明滅閒。迴風雲破碎。日氣漏前山。

老樹

盤盤蒼崖巔。萬古一偃仰。人間無路通。天風自來往。

寄上外舅夏輔堂先生鴻時

醇厚日已遐。老成彌繫念。寥寥先友行。矧以舅甥兼。締  
姻年逾廿。握觀緣未三。記猶遂初賦。迂我北歸轡。藉依  
道德光。用恣淺深擲。爾時矜壯盛。侈口出華谿。百憂無  
干懷。百好一鉛槧。挫軍雖屢罷。含笑自看劍。人事安可  
知。惡命並苴苦。藐諸寄他鄉。飄如失船纜。前歡緣蒼茫。  
八歲過礪磧。頻頻勞伴誨。懇懇無倦厭。猶將轉地蓬。屬  
望藻天揆。知持父母心。肩釋瘳頑砭。秋華縱敷舒。暮色

甯嬰夔解帶不及親。干柴亦徒僭。作家羌首試。觸手取  
疵。嗑俯心就磨礪。畢力拔冥闇。會緣見過多。稍補更事  
欠。乍看衢通驥。旋訝棘纏蛇。驍騰少年氣。冰雪只爭淡。  
安得陳后山。不爲知人忝。較免妻子別。衣袴勦補箋。詎  
云家貧良。差共苦食啖。最小惟偏憐。千里阻江壅。甯親  
羨羣姊。南望淚雙灑。諸孫語音成。學客解闕覘。阿暮銜  
遠命。多品拜珍鹽。鼎沸算棗栗。外氏不離膽。撫茲殊怛  
怛。隱几默惟瞻。計當遂遣來。內顧誰與擔。喜聞賓宴場。  
牙齒絜且齧。視聽到微茫。腰腳利崖礪。全具漢老更。餘  
樂方醺醺。瑣屑得我完。待過秋霜嶮。應能乘早梅。泊莊

拜鮑者

次韻荅柏容時挾詞草相視

官舍忽榛蕪。漫乞野人主。獨寐成連年。閉荆常過午。登  
音喜良覲。陳事洗靈府。刷炎開東軒。佐具問前圃。深杯  
倚竹瀉。遠岫映花數。契高出雲門。搜快洞風戶。時雨助  
清涼。空山謝塵土。雍雍望秦晁。雅雅斷今古。晶晶提五  
要。斬斬嚴四部。虛寂永中聲。微茫引深睹。形求跡皆陳。  
神得境無腐。趨鐙鳥已息。窺林月初吐。清光如有情。拂  
席君可取。

桃溪石壁同遊者芝園柏容及黎氏叔吉

兆祺篠

亭庶憲茶園庶蕃諸弟

颼颼林風換。斬斬石氣鮮。絕壁界白日。修蘿纏蒼天。溪  
隨松根斷。徑與石角旋。柔芳集低秀。軟翠搖高妍。引新  
神。逾奮惜勝頭。屢延薄遊笑。曩者于道尚。茫然幽庭失  
咫尺。淺涉漫河沿。此來喜彊侶。極境爭所宣。憑虛鳥共  
集。度險猿相連。抱履花漠漠。拂袂雲娟娟。微看隔溪路。  
橫絕西崖巔。隱見遞茅屋。迤邐開上田。機輪轉泐港。雲  
碓翻餘涓。雜樹春易永。高蹤俗難緣。安得避世士。與之  
巢飛煙。

天池畱似尹雲帆良稷順帆良遇琴堂良經兄弟

眾山環蒼池。九里蓄清境。呀然崢嶸間。趣與江湖永。分  
源導雙壑。積氣孕九井。汪茫浸空翠。裏窈陷雲影。來遊  
例經宿。隨候有佳騁。殘炎東洞豁。激慮西龕靜。攬要失  
新疲。鉤遺補前領。斜風淺深皺。落月參差冏。過雨續圓  
紋。浮煙冒長璟。山人足蝦蜺。盤飮錯菱苳。早稻撲初香。  
遲荷駐餘靚。灌輸啟駢門。唐宋此封堧。盜田惜舊葑。壞  
礪冀新整。來情約羣鷗。別緒綰諸嶺。回首謝主人。乘閒  
復來省。

海風井

興極多窘步。徑回喜蕭亭。趾泉弄奇怪。細響傳清泠。尺

韓抵海眼寸竇持風扇橫穿罈城嶺直洞祝融庭每于  
狼角動似有龍涎鯉山懸濯鋒鏑浩劫付渺冥居人戒  
輕侮震說張精靈闕然信其信焉問經不經挾伴值秋  
虎眩目生宵螢冷趣接幽異炎魂乍蘇醒掬漩石犖确  
玩潰珠晶熒潤益贅苔古澹泳巖花馨何緣近茅屋隨  
意汲沙甌永洗塵市耳浩然遊八溟

送柏容

子雲山水興就我得開眉接勝遙相語憑高下獨遲黃  
花秋浦路紅樹夕陽時別後無公事還來共索詩

次柏容桃溪詩韻送芝園

幽篁窈窕不見日含睇仿佛靈均魂飛龍翩翩石瀨淺  
青壁上與天爲根九歌草罷百神下辛夷桂旗皆倒吞  
我攀桂枝賦招隱青莎雜樹迴仙源桃花流水隔雞犬  
咫尺更訝秦人村蹇裳欲往無道路迷花倚石窮崖垠  
此間許住早忘世何暇轉計閒朝昏青江漁長笑不顧  
掉首竟作飛鴻軒三江好處但如此十年蓑笠當誰論  
迢迢引我釣竿興歸路嗒然衝暮猿

芝園居青江塘自號青江漁長

補屋詠

一瓦失其覆一椽受其病浸淫及棟棟傾數生欬聲補  
葺乘忽微費省功易竟古來大德傷孰不輕細行賃居

非吾廬亦蔽風雨橫。但吾一日住完繕。可旁聽蒼茫身。世間補屋聊自詠。

子厚弟舉子繼孫示之

內人戒香綳。闐闐攪朝睡。阿哀去復來。躍叫叔添弟。故鄉空南雲。涕淚判長寄。痛念昔先人。舊德恐失墜。不藉來者多。焉為孤生慰。飛騰冀什一。亦足張同隊。生兒誠堪欣。作父亦不易。君乎仍悠悠。將毋笑阿繼。

中秋怡軒對月聯句

閒軒久不開。幽意亦未歇。新菱檐前樹。滿放中秋月。友拂席延素光。傍砌寫清樾。酒味共芳柔。吟情遞搖兀。塵

餽口有羈板。層城間秦越。勿云一夕歡。已白數莖髮。友前途闇如漆。壯歲焉可忽。氣節良易過。努力戒明發。塵

繼殤慰子厚弟

吾家本單族。一祖尚百承。百年天下人。何止十倍增。有生即長年。天地將不勝。壽夭自稟賦。即具除與乘。莊生齊彭殤。卮言固難憑。人生有知識。終壞百感蒸。混沌返大化。轉免愁風鏗。此語恐太遠。俗說姑近徵。非兒貴早死。亦省鞠育癡。俗謂恩憐曰癡欠淚知未多。毋庸浪沾膺。

九日偕相廷登謫仙樓。右衡遮飲有懷。越峰舊守手把茱萸枝。遙指菊芳洲。山風吹客興。縹緲上高樓。高

失  
後

樓宛轉凌煙起。水色山光亂雲綺。山水于人無世情。有  
酒爲我深淺傾。憑虛喚起謫仙夢。文章劍術將何用。嬌  
兒嬌女苦相思。西上迢迢不能共。浮煙徒棄五百金。白  
日不照忠誠心。隨風直到豈前定。至今談者浪沾襟。君  
不見長垣李。銅標照耀三千里。又不見劉大刀。幽巖持  
作燕然高。二君後爾尙千載。英姿猛烈今何在。金銷石  
爛荒祠頽。歲時伏臘無人來。年年詩客此重九。登高望  
古還增哀。功亦奚以喜。罪亦奚以吁。手中魚目睛。握  
靈蛇珠。黃金用盡失交道。貝錦蒼蠅起談笑。才人秉志  
那用明。市虎三言人自驚。誰憶滋州廢司馬。十年曾是

登樓者。蛟龍浪濶江水深。扁舟冷月瞿塘下。樓頭酒盡  
雙玉瓶。松風吹面酒欲醒。東山已銜半邊月。夕陽鱗甲  
千峯生。大呼丁生倚蒼石。憐君舊是滋州客。不須懷往  
更感今。再沽拚盡銅三百。

影山草堂會飲右衡忽止酒歌以解之

請君看此十畝萊。如何鬱鬱令心哀。將來誰買復誰住。  
今日黃花明日苔。天生手口亦大巧。解把金樽傾綠醅。  
徑須百年三萬五千九百九十九日醉。安能一年三百  
五十九日齋。衛公作戒耄益駭。屈生獨醒真蠢才。五經  
三雅萬萬古。大道一線平三階。滄溟日落天倒開。勸君

慈語可喜

杯行到手莫更推。長風動地拔老屋。喜未吹倒杜康壘。  
麴之高臺。與君醉鄉歸去來。

送柏容之大姚省覲

鳥道千盤雪。憐君獨遠行。北風吹馬尾。直到武侯城。歲  
晚趨庭意。天涯倚幌情。還將索居處。念取白鷗盟。

和答子尹古州見寄

讀書何所用。仕進出籤架。仕進何所用。黼黻抵耕稼。市  
儈逐蠅頭。不惜出人胯。一朝持萬金。公然肆呼嚇。人情  
彊分別。異級遂殊價。何嘗罕散才。不必卿相亞。淵明束  
帶辱政以。三徑藉君家。廣文賤當亦。餓死怕焉復。論吾

曹眉摧氣逾下。此風尤不料。浸漬延講舍。山長豈利鵠。  
一座來百射。有門無不干。覩觸閹吏罵。散要視符牋。予  
奪用王霸。懦拳唏空張。捷足喜雙跨。乾俸積虛糜。行脩  
別微罅。真成揖任婦。讀子當我返。校官師猶官。蘭鮑舊  
已化。哀哉道德場。似爾能勿喑。科考散諸生。三秋足閒  
暇。東籬鞠有華。重陽酒堪醅。涉江牽遙思。度嶺數歸駕。  
幾時青田廬。一笑過我詫。剗除磊塊胸。永付清流瀉。

哀孫上學

威怒難馴李袞師。居然斂手杜阿宜。忽忽墮地能啼日。  
正值呼天欲絕時。白髮眼穿終不見。青箱業在亦何爲。

建事父母者  
念諸

咳名好作。杯棬看念我千秋萬歲悲。

### 烏江渡

鳥道各千盤。盤盤翠屹相向。晴雷翻九地。草木皆震蕩。峽東湍已豪。水落勢益壯。飛鳥不敢前。潛魚那能傍。渡師爭逆流。百泝待一放。亂雨浪花飛。垂雲石根亮。中流聊意快。就岸翻胆喪。山鄉無深流。此水已鮮抗。蜀舟阻重門。黔路但疊嶂。徒將黠漢挾。尙覺無沅讓。天如閔窮鄉。鏟去或宜當。

### 霸王坡

舍舟日初跌。半嶺晝已昏。夾路叢小樹。望如萬軍屯。急

人世之險有  
巨海方知者

行益窳。步結氣生煩。窳螭魅含睇。窺虎豹磨牙。蹲暝觸怪石。倒白踏蹄泔。翻絕頂知幾盤。荒店不可捫。眾星繞足出。始訝所據尊。信有行路難。惻愴可具論。張鎧誰剪紙。曠黑爲招魂。

### 南望山

南望高如何。山叢露孤脊。氣吞黔楚外。勢逼烏盤窄。陰藏太古雪。腹斷摩霄翮。日浴千嶂青。雲纏一峰白。朝行指南望。暮宿在咫尺。前途更朝暮。南望仍不隔。遲迴泥淖中。多情謝山石。

### 熄烽至日

後徑落雲根。前徑垂木杪。狼石接輿生。勁風逼人倒。自來南行客。愁絕熄烽道。健步怪僕夫。度險若飛鳥。未晡得常程。命宿訝已早。至日那遽增。酣歌對晴昊。

札佐

袖手踏霜行。呼吸作雲霧。翻翻千里光。瑩瑩一溪曙。苦遭竿确礙。喜與平行遇。隱見初日暉。微茫遠村樹。潭魚寒不上。山鳥止還去。冒飯玉英滑。團餐雪脂沍。負手卸鹽歌。催肩趁墟步。年花漸市紅。忽覺歲云暮。

千里光草名喜緣澗

路生冬輟白花如鳥毳

貴陽別李儀軒下卷臣下卽送其之婺川教諭

貴陽城南行客稀。貴陽城北故人違。故人便向安夷道。行客難憑度歲歸。遙計老君看綠漲。早應無黨倚斜暉。老君遵義關名。雁塘。祐慶。今蕭瑟。好激清風。張講幃。無黨。婺川山名。

芳杜洲寄柏容

趨林歸鳥急。客子暮何之。短景催殘臘。南行忽幾時。雪明銅鼓嶺。雲暗武鄉祠。芳杜空洲渚。何將寄所思。

雲頂關東關前故人

白雲方在天。忽在腳跟邊。石磴千尋外。關門一線穿。珠霏衣上雨。琴響竹根泉。不見山中客。雲棲又幾年。

東山

貴定縣東山下二十里

東山百盤路半壞。山中雨緣延亂石。間咫尺歎重阻。隆冬但疲登。行徑差有取。霧淞結珠花。璀璨光遍林。莽玉振八風聲。鷺植千山羽。沈沈桑田館。渺渺蘭雪譜。彫飯冷香甌。雲裘易黃土。瀑柱洵千尋。吹寒下煙浦。

大箐小箐

自麻哈州西六十里連延而西凡十五里

線路縈兩崖。曲曲東西轉。溪聲隨步緊。石氣塞天滿。前行忽無門。來徑訝已斷。峽角擁蒼官。林腰引紅繖。裂石轟危標。層絮百九卵。我行出其跟。疾過不敢喘。山亭話村蕘。定息還悚慙。謂余百年前。此道行已罕。盜賊覘戈矛。豺虎怖身眼。祇今沐

皇仁。出入常坦坦。猶嫌箐道惡。可笑經歷淺。

下沙平

冰花鋪軟草。一徑下雲中。低樹能藏雨。懸流自帶風。峽山千里近。湘月幾年同。愁絕陸橋去。深泥滿竹叢。

高規歸期不果寄家

師子林邊散客襟。梅花無賴白雲沈。誰憐一片青田月。中有南來夜夜心。

寄子尹

我過經巢弄清樾。望君遙在玉山月。山月隨君返故林。又我迢迢向南發。南望山前不見君。南明江上雪紛紛。

較少陪鄰州  
月更為深至

寒天萬里無飛鳥。欲寄相思那可聞。

姊妹井

姊妹盈盈雙碧璫。姊妹花開紅覆牀。嫩寒薄曉啟妝鏡。鞭塵欲度春波香。年年花發仍金井。解佩無人風月冷。朝華汲得不忍煎。為有當時可憐影。

金盆山

南風吹野心。古寺抱幽翠。軟徑無崎行。嫩日啟新態。開門黃雀引。拂檻蒼鶻墜。雲度半山陰。香縈一龕膩。作客鮮佳懷。登樓益愁思。百里徒故園。皇皇歎生事。

師山

連山迤欲斷。斗起何蒼雄。盤回度絕壁。縹緲乘高風。幽石媚密篠。長雲守孤松。五嶺西極來。蜿蜒界天東。中原盡桑麻。萬里青濛濛。未知北戶外。焉用南車通。落日澹霜堡。衰蕪倚殘烽。倘非際承平。可許長從容。得興恣遊眺。且勿悲轉蓬。

十八夜月

十五十六不見月。十七八見又不圓。路長路短且由路。天溼天乾休問天。

雪晴

雪色晴光共碧闌。徘徊欲別暫相歡。分明一片西家月。

真首以恨  
此詩是古樂府音節

邵亭詩鈔卷二  
持向吳王夢裏看。

高規除夕

歲除盡勞人。作客翻苦逸。散策梅花林。薰香薜蘿室。揮  
杯勸羈鴻。隱几送落日。怡軒忽在眼。年色照蓬華。呼燈  
話兒女。饑歲環弟姪。爆竹翻震雷。對面遽相失。昂昂家  
園松。矧矧官亭橘。人情難彊同。客思焉得說。

受業鍾憲章

弟瑤芝同校

邵亭詩鈔卷第二

邵亭詩鈔卷第三

獨山 莫友芝 子偲

畱別外舅夏輔堂先生五首

長貧將遠客。積歲環相守。婚媾邈參辰。思來但回首。脫  
身營一見。撫事嗟歎久。向來提抱中。次第各迎婦。諸孫  
解揖讓。半出昔別後。歲月不相饒。那不驚老醜。翁姑還  
番番。齟齬粲盈口。屢嗔辦飯遲。乾蓄爲我取。童心忽猶  
昔。縱噉不住手。相看且慰意。羈恨亦何有。

遠嫁闕歸甯。見婿如見女。情話無宵晨。拉雜信傾吐。雞  
鳴不許睡。恐我遂卻去。翁姑誠康彊。自今幾回聚。殘年

尙無鉅命住忍相迂避債有偷嬉度歲安所苦出門尅  
歸日始計真乃鹵

先君平生交臭味皆古氣老輩已晨星況是夙所畏憶  
從絆姻初耳熟平生事歲科續鄉會借若邛岷恃談笑  
出箴規瑣屑見經濟往師久吾心翁倩益爾喜豈知校  
官來兩翁各遙滯公還秦中令相望惟一字我竟異鄉  
孤公亦宿草淚曩雖再得覲匆匆並途次此來積兩月  
稍領身所示仍惜生事牽夙願未終遂先訓猶耳中因  
詩一獻歛

人老忽如客百事主兒孫曾元亦賢者口體啟議論兄

姪克家手色養喜相敦皆於逸樂境不易勤勞根我觀  
官子弟得此已可尊人生千歲憂暮年總虛痕唯茲鞠  
育念尙若春泉翻旣斑視猶孩百了愁一昏耽劬與耐  
粗豈必心所溫願公但放意逐樂從渾渾

度歲亦云淹春工催已速來愁道路長去惜句畱促小  
孫抱輒啼糕果日相熟俱舍不捨意黯然視輿僕東揖  
峽江清北送南明淥相見自有期終然費春日但願舅  
姑健百歲視今卜春明得資纏往返可常宿更願二等  
官黎峨踐吾祝有暇好頻來陪歡永相屬

贈艾茶村

嗣宗

愛汝名場十四年。早能拋卻未華顛。兒堪傳業天容嬾。婦解持門命已仙。剛水故鄉歸未得。犍山客舍夢相牽。何緣卽到茶村老。茗盞風爐稱意眠。

葛鏡橋

夾立兩崖如削成。俯窺江水黯無情。浮梁喜踏龜鼉出。絕岫仍穿虎豹行。雲貴卽今添小驛。偏沅自昔苦南征。

獨憐仗節題橋客。翻讓區區葛鏡名。

康熙間巡撫佟鳳彩疏請增貴州楊

老等六腰站所數險阻葛橋坡其一也橋西刻明總督張鶴鳴詩東有其題橋碑

甕安立春東趙子

一塔如鍼指甕城。漫隨春杖看郊迎。前山隱隱月欲上。

野店荒荒人獨行。已遣菜盤驚客思。更堪茶鼓鬧年聲。故人想在鐙深處。肯共鄰雞下五更。

孫家渡

花平一聲雞。細繞千崖頂。落月引微光。懸蘿下高嶺。霧前失重危。風際隱層警。石湧若蟠林。天窺乍觀井。奔江何抑揚。激浪碎光罔。上日浴將晞。長年喚初醒。開頭故挈險。急溜信孤艇。客錢輸未贖。渡楫坐慵整。登岸及日中。愁思令人瘦。

羊崖關

溫黜逐延東。忽作西南枉。回崖逼之會。削立插深決。太

古無寸土。萬仞矗銀榜。但容風雲度。未許草木長。通道者誰子。初意亦鹵莽。降傳踵壓肩。登說磴拄頰。夙聞茲斗絕。未至積恟恍。俯關難自由。放膽拚一往。渡江茫何來。共指白壁朗。暮投北關宿。陟嶺稍平敞。夜潮春客魂。夢醒猶惘惘。

飛越峰歌

黔荒奇氣無洩處。往往精靈散騏驎。不疑東晉滇海呈。卽道西京渥洼遇。明昇得者尤驍騰。肉鱗壘礮纏州膺。龍儀倣儻豈凡馭。媵以九駮歸孝陵。天閑奚官猛貘虎。人立長鳴皆喪沮。固知神物佐興國。龍性等閒馴不得。

冊文亟敕馬祖祠。始許沙囊就銜勒。時常緩控閑步驟。萬騎狂追顛莫卽。清涼夕月趨齋宮。纖塵不動如登空。雲驅電轉獨當御。匹練亘天飛白虹。飛越峰名出宸翰。臣晉圖形濂作贊。丹鉛易落文字存。猶覺雄姿矯天半。祇今遺窟仍齋亭。煙霧杳然虛降精。我思山川貴人傑。豈藉異物畱光晶。清時治文二百載。天荒豪俊爭驥鳴。不知江水延南北。多少騏驎地上行。

烏江懷李忠宣公分得江字

卽馳三道止麾幢。百萬羅施盡受降。武惠威名能不殺。文淵勳業舊難雙。空山遺廟今蕭瑟。東峽春濤自激撞。

萬壑松聲悽落月尚疑星影墜蠻江

巢經巢夜話呈主人

鴻來燕去不相尋。正我南行爾故林。送臘杯盤千里夢。剪鐙風雨隔年心。家常立壁看差勝。別裡華顛訝漸侵。江上菟裘吾早計。幾時投老共煙濤。

丙午生日李庚仙鍾白相廷子觀松階諸友相過

衝泥有客叩衡茅。竹筍青青欲解苞。軟翠隔城通日氣。斷虹收雨過林梢。但能無事常相見。安用輕言廣絕交。朝請頭顱堪早隱。尚書下試免詭嘲。陶宏景以奉朝請退稱隱居杜甫試尚書省被下皆年三十六

端午

綠箬烏杭方角枕。五年今日乍堆盤。吾鄉糗有角枕形者或以烏米裹尤

先子所嗜永感五年家人始復作之南陔節物成長悔。北戶光陰有獨看。瑤芝弟客南海老去祇添人事感。悲來虛說醉鄉寬。登高行藥期蕭散。煙雨冥濛獨倚闌。

了月

了月何曾離草堂。人間炎夏迴相忘。遙山愛客時時入。深樹吟風葉葉涼。喚婦幾鳩同嬾散。弄雛雙燕莫周防。科頭解帶還終日。茗椀書籤亂一牀。

登碧雲峰二首

孤峰削起青蓮萼。疊嶂周圍碧玉環。八道旌旗殘壁壘。百年亭榭管雲山。平時不尙鷹鷂擊。斗絕終虞虎豹頑。見說井狼搖禮國。側身南望益愁顏。

峰頭雲氣能爲雨。一月風吹更不興。望裏極天乾索索。晚來孤日燄騰騰。備荒倉庾愁將恃。值閏官私計且增。日來方請雨峰半辛苦清齋賢守令。甲燒猴尾問峻嶒。舊壇昔禱輒應。

小竹

小竹春前手乞栽。佇添疏蔭補牆隈。夏來喜長纖纖筍。一日巡檐數幾回。

月下雨

風起雲翻木葉香。芭蕉聲裏泛珠光。五分明月千絲雨。併作中庭一夜涼。

桃源洞

散髮坐莓苔。仰視天垂井。乳溜時一聞。蒼崖墮秋影。

湘山

石色綠雲轉。溪光抱日流。湘山蕭爽處。攀桂一淹留。

喜雨

黑雲斗壓山城傾。日午更訝天未明。電光水影恣吞吐。千門萬戶江河聲。火兵散伍壇拔植。時方嚴火備接溜禱雨再更壇。開渠競倉卒。山農水犢同一忙。晚豆遲秧未爲失。故人

似宜與君在茲泥

會客翻愁倒樂事難并嗟數巧解嘲吾亦老東坡笠屐  
正宜沾溼好是日右衡有約冒雨過之

苦雨

日月供淫雨乾坤賸草堂徑兼朱果爛垣枕綠苔荒卓  
午饑仍臥新秋凍欲僵何須愁歲晚文字抵衣糧

小晴出遊

官舍思幽訪新晴愜散遊溪光南墅夕村色大田秋石  
竹迂通徑巖花淡拂樓黃冠偏愛客雞黍有句留

書吳蘭雪師香蘇山館詩鈔後二首

祭花舌運涌泉思想見乘酣下筆時蘇陸之間爭壁壘

蔣袁以後此宗師幸成傳業非偏女未礙通官不似詩

九曲武夷聽豔說早愁歸去一悽其

瓣香才擬向涪翁沈溼真教一氣通即謂成編須內外

欲憑刪定啟愚蒙友芝始謁先生即自謂刻集時不能割愛擬自為去取分內外集付友芝

輩編之部居竟未分洪玉去取誰能問李彤五十餘篇

畱贗鼎諸君傳述太怱怱先生京師自刻集古體止十卷近體止十六卷其古體

十五近體十七兩卷則在黔西所手定先生沒後諸從學復收拾貴州詩為古體十六十七近體十八十九四卷並續京刻後不知先生自入貴州吟詠即不如曩時暇續四卷中有出門生子弟代筆應酬悉未審汰讀者

不可不知也

送九莖弟就婚開泰

吾家最少弟。遂喜及婚時。醮酒遣之往。含涕各無辭。念及兩親存。予季劇所慈。端循見孩州。解摘助歡頤。自從大故來。凡百非昔期。慚愧身作兄。力劣徒彊支。喫著藜布。歉文籍蒿萊。滋尚何不草草。賴汝能怡怡。汝雖如我長。百里足未知。此行千里外。遠在王山陲。熊哥有同伴。差慰風雨思。茫茫嶺快道。露戈同行賞。書囊固非招。保不妄意窺。嶺快在黎平府西九十里自古州往所必經深林密箐二十里無人烟羣盜嘯聚露刃劫行客貲有敢誰者。且遭毒手貴東之畏途也忽聞竟坦蕩。來往無拾遺。翻似省南近。劫奪增愁咨。定想乃夢境。顛倒還自嗤。男兒志桑蓬。豈得擇所之。去去好自愛。親姻豈瑕疵。飛鴻響離

音征馬帶別嘶。鬱紆乃無謂。倉卒誰能持。

和東坡起伏龍行并序

南中久旱以長繩繫虎頭骨投有龍處入水即數人牽掣不定俄頃雲起潭雨亦隨下龍虎敵也雖枯骨能動之如此李綽述張尚書故實韋絢錄劉賓客嘉話並載斯語即坡詩所本也道光丙午夏貴陽旱甚且火當事者依法試諸城北龍潭而效倡和蘇詩蒙亦成此

威骨墮地走發弩。狗馬當之若生虎。潛龍胡亦避殘顱。死葛信能奔晉祖。歲神上燉天井枯。漏天九夏餘焦土。

比例奇

南明吼牛作災怪。祝誦揮鴉肆欺侮。祠壇四出走編氓。  
圭璧罔聽愁大府。南中故事記車李。俄頃雷霆上繩纒。  
公然起伏繼髯蘇。未用步吹費胙禹。氣類相招固物理。  
修德端應誠神吐。縱陰閉陽法具在。但見思州致甘雨。  
康熙乙巳貴陽早思州守王民皞以春秋繁露求雨篇  
法為田山薑先生撫黔時祈雨而應因刻為祈雨書田  
公為何妨有事無不為。可恃雄威能激怒。

草堂風雪喜李葆齋元誠同年見過

蕭蕭散散三間屋。冷冷清清四壁書。見女富于披徑日。  
稻梁貧過定巢初。圍鑪贖足今朝炭。入饌頻餘隔圃蔬。  
卻喜故人同臭味。遠乘風雪慰窮居。

述別五首

逢人勸我行。亦復勸我住。歸來問妻孥。同一茫所據親。  
存不及祿。縱得復何趣。替替念哺糜。嗚嗚感將暮。採柏  
雖少妍。投博尙成注。奇偶豈用知。鹵莽拚一赴。征衣從  
舊紉。行篋聽新竇。誰為問遠莊。祇益愁內顧。前度曾幾  
何。出處百不慮。逞驕還恃愛。奢索必期副。罔極徒爾哀。  
當時詎能悟。

兩兄別我歸。斗首遞迴幹。關河無情甚。阻莫共饑渴。昨  
聞計偕信。替我屢愁切。貧家已難理。矧乃諸弟拙。當來  
視行役。亦為料瑣屑。臨發終成虛。此境焉得說。阿祥尙

模無米旁

乳氣深秋復遠別。新姻固多歡。作客非所閱。今歲天較寒。薄絮禁凜冽。安能遂執手。一一語我徹。憂端攢人腸。對案空鬱噎。

北人不住山。南人無乘車。信口浪評說。近似終模糊。一朝歷其境。乃出意計初。凡事不實踐。勿云見非虛。仲尼謝農圃。豈在聖與愚。諸弟各成人。性天尙爲雛。我行雖不久。亦在三時餘。作家憐未經。付與心鬱紆。終當試其手。曲折藉爬梳。早晚取觸悟。亦勝徒讀書。

阿繩恐耶去。彊坐翻已眠。紹也未解語。濃矣豈耶歡。阿哀眠更興。倚守襟懷間。誦誦續孃話。雞鳴未曾閒。上言

寫盡如憤

買餅歸。下言耶得官。更要千卷書。我配華冠耶。官如汝祝。汝餅定有餐。汝冠亦有著。汝書可無觀。耶書四十箇。箇箇親鉛丹。一字不可喫。一紙不能穿。墨卷與講章。當世懸不刊。兒長持此祕。飛騰諒無難。慎勿似耶誤。荒津老漫漫。

僕夫既整駕。樣子忽而至。經營從閣置。戚密見君意。巢經亦續來。百里同一醉。悠悠話前軌。燈昏各無睡。城居遠墳墓。所杖有鄰衛。松楸未成林。尙待添一二。竈中一片石。五載闕文字。當路徒近腴。豈若仰吾輩。二事唯兩君。鐫銘直肝肺。破除無窮心。所務獨進士。贈言令人訝。

曷與平生異此懷安用明臨分一長嘯

歲晏行贈鄒叔勳漢勳秀才于貴陽城

歲云晏矣霜雪爭計車逼我萬里行昔遊同輩散略盡  
尚與時好爭逢迎傍人揶揄不自解對鏡重使秋顏頰  
鄒陽守經濟魯客面雖未謀心莫逆秋風曾得貴陽書  
常恐萍蹤竟乖隔豈知出門即相見快語濤瀾傾不斷  
會城三日坐重冰翻覺凍鞍輕欲旋鄒夫子真豪材世  
家春秋書少年絕學早爾推叔勳著作穀梁春秋傳注成最早道山延  
閣何魁鬼一一判以腸胃該文書一掃盡百紙爛嚼六  
藝驅三才我行萬里半天下所值勝流無子儕砥砢魚

鄒秀才不知  
何如人先生  
乃傾倒如是  
恨不見之

世上名不  
易得

目各善價夜光和璧翻見猜誦子巫山篇使我難為懷  
人生飲啄亦何幾胡為鬱鬱坐使雙眉摧吁嗟乎鄒夫  
子天意茫茫竟何是世間好醜隨轉蓬今日青雲昨泥  
滓我欲引手開天關送爾三台五雲間有時鞭笞鸞鳳  
攬八極定使下界抑塞磊落俱歡顏仰天失笑復何有  
四顧斧柯徒兩手侯芭昨日來問奇空賸郛筒數升酒  
數升酒聊可斟一日歡聊可尋歲中開口豈能計取足  
見在無人爭千秋萬歲不到眼何論悠悠世上名吁嗟  
乎鄒夫子休歎息邵亭與爾還今夕天明策馬柱蒲關  
把詩空得遙相憶

風雪就驛至龍里

馬尾鳴風羈不住。勢欲騰天驀煙霧。鬼鬼凍雪起前關。四蹄滑澆遲難度。十載鴻泥爪印荒。風情雪意兩茫茫。東西南北知何處。初驛愁先萬里長。

題沈石田折枝枇杷

雪中那得承炎果。病渴相如欲把疑。卻憶草堂消夏處。曉雲纖露折來時。

雪走施秉

轎簾不捲如新婦。亭卒重逢抵故交。賺得三杯遮面酒。亂山扶雪過偏橋。

好題好詩

諸葛洞

無沅水道石港窄急處謂之洞洞之言猶洪也

斗落長洪裏。方愁雪浪埋。片言留上洞。孤艇過千崖。憶昔江行此。虛舟寸步乖。幾年疏鑿利。縱棹亦開懷。

自施秉泛舟至鎮遠

眼謝飛電激。耳續怒雷闐。前山戢首揖。後嶺折腰送。隆冬江益清。妙轉勢逾縱。石門重百關。天影割一縫。去來訝無路。大笑落深甕。幽奇幻神怪。鞭筆雜麟鳳。高巖削仍皴。清籟斷還弄。經雪萬松花。懸泉一川粟。昨來困泥滓。竟日積愁恐。舟行如釋負。快意詫難共。同儕競歌賞。登岸惜倥偬。追逋失已多。回首如一夢。

中元洞

過橋通小口。螺徑引空曲。白城散玲瓏。天光斷還續。飛  
甍架崖戶。青壁絕聯屬。紆迴方壓頂。眩晃已在足。低城  
臥青霓。複嶺明紫玉。平林苑已枯。上谷草猶綠。山僧如  
麈麈。來往何閃倏。見客殊不迎。黃精自鉏斲。時聞巖端  
花。疏疏墮寒馥。

青龍洞

北徑出地戶。南徑啟天闌。嶄疑鬼神度。悶想風雷抉。咄  
哉一崖間。得此兩奇絕。古蒼懸妙幘。靈皴踏波纈。穹然  
芝蓋湧。麗若藻井設。蜂房密排擠。細竇互通徹。瓏琅羣

此字傷古自佳

玉碎。玳瑁萬珠綴。我舟逼開頭。暫為兩洞輟。漫書拂蒼  
斑。拾碎愧語拙。

別李价人

維篤教諭

黯黯東橋路。人家未啟扉。上船纖月在。發掉亂山飛。鬚  
鬢慚時傑。江湖老客衣。暫憐江上酒。未與故人違。

焦溪舟行

鳧鷖逐我船。懸蘿晷初旭。水影上西崖。激波瀉寒玉。林  
巒隱深秀。回惜經過速。沿迂更相遭。妙得江流曲。漠漠  
沙上煙。依依數家屋。隨意一停橈。舟人飯初熟。

清溪舟中

碎石金碧光絢爛送雙槳人語隔藤蘿烟林抱疏爽江  
花沒更起壁色闇還朗颯颯萬蓬語閒閒數鳴上岸轉  
樹交馳洲來水分響洞天遞呀豁絕境互雄長屢過關  
登臨悠悠積遐想

舟過玉屏值門人鍾伯原憲章生日示之

出門無幾時斗建倏已換去家無幾驛省界遽將判水  
程方入手前路正邈漫何能不思家推篷各長歎秀也  
生此辰遣此愈難慣念我隨計初成人亦孩外雛心乍  
離母翮健飛自悞晶晶漢皋珮經眼不知粲醴醴宜城  
酤百盞不上面癸巳生日泛懸懸定何益鬱鬱只難按漢水至宜城

爾今縱作達於我諒無閒相將還共濟比較已差善男  
兒入世中桑蓬導其先江山拓襟抱正復賴遊觀我今  
老無能百事付來彥勳名憑盛年一意莫牽絆

龍溪口夜泛

水氣拍天黃千山過夕陽人聲趨市大燈影入江長軟  
槳搖初月疏星帶遠檣征篷遲未下露坐不禁霜

舟閣三門灘

曉刺三門到暮休猶從灘尾認灘頭平江細棧看難見  
熟路輕船過亦愁

榆樹灣東岸人家舊有老梅合抱今亾矣

絕好夜航

小徑柴門半不遮。市喧斷處雨三家。試尋天上白榆種。爭似江頭綠萼華。古石幽泉雙盞小。淡煙疏雨一篷斜。舊時明月今蕭瑟。愁倚黃昏送宿鴉。

芙蓉樓別黃虎癡本驥教諭

無溪千里下沅州。直並旁溝溝水流。北去舟船皆上柁。南來朋酒例登樓。天涯詞客如相識。歲晚梅花可自由。明日芙蓉東畔路。青山明月兩悠悠。下水船自發。鐘遠不用柁以船尾為

首至黔陽沅無水會乃易船首向前安柁焉

黃師行

黃師難當沅流極糾疊處舟行波中羣漿舞雪而下舟色多杏黃故舟人謂黃師滾洞在沅江中尤險于橫石三浪也

黃師在深舞雪搏風出沒眩轉不知西東。當東而西謂南而北。千鼉萬蛟磨牙伺側。江流所折必有凶湍。矧彼黃師。絜絜百盤一湍百尺。十湍百丈。黃師灘頭來自天上。灘頭看尾。下見檣頭。伸手可攬。豈知中艱。上纜下招。千手洶洶。招橈屬也。製在橈櫓之間。沅江麻陽諸船凡下水必於諸槳前為二招。繫船首以撥難。驚飈落葉。憂與爾同。沅有名灘。橫石三浪。不若黃師險巖。莫狀羊腸九折。猶可力謀。黃師疊阪。惟有白頭。

銅灣雨泊

坐覺耽奇興亦闕。一從喧耳過風湍。連朝知負幾山好。長夜更禁疏雨寒。小驛孤篷愁自倚。空尊獨客悵誰寬。

未應錦帶花開處。解向長安直北看。

銅頂阻風酒盡同人登岸買薄醪共飲

今暮北風仍未休。沅江之水竟南流。片帆若背辰陽道。一日應登甲港洲。船角數峰爭俯仰。浪頭孤石儘沈浮。村醪可買何能擇。弱女非男且散愁。

舟中晏起戲呈同載諸君

冬來擾擾虛睡眠。轎頭馬上尤難填。入舟百事謝料理。縮頸卽到羲皇前。船人飯罷我未起。驚湍聳夢升三天。鞭笞百靈散雨雪。雷椎電轂相迴旋。雲中撫掌快奇絕。忽訝暎影棲船舷。同人一眼送急浪。危坐不許輕譁諠。

訶余嬾漫太無檢。頑氣恐觸江神鑄。自嗟窮薄厭饑走。瞰此隙處聊安便。生老病死久不擇。此亦見怪甯非顛。鍾生齟齬尙擁被。爾勇過我賢乎賢。

神洲灘謠二首

神洲石容仄。並船行不得。上船銜尾多。下船愁奈何。浪是橫石高。灘是神洲淺。雪釋水冒洲。放溜一眨眼。

鐵樹潭夜泊

一水清無賴。孤舟欲逼春。遙知武陵道。卽是隔年人。鐵樹花誰見。寒潭月自親。迢迢看北極。歸夢未須頻。

仙人崖下寄檬村

碧瓦丹梯隱見間。白波青嶂隔登攀。靈砂未必空衣水。  
石室何緣叩西山。進處苦遭風鷁退。忙來那得日烏閒。  
時蒼深處梅花發。羨爾優游駐好顏。

辰陽晚泊

打鼓開頭日未明。雪晴江漲喜船輕。落帆遠趁辰陽宿。  
倚棹爭爲楚些聲。霜氣迴連山郭暗。星芒低浸浦潮生。  
空臺歲晚佳人去。秀菊芳蘭萬古情。

辰州立春

綵勝雲翹映碧汀。春聲殘歲訝先聽。風縈臘雪披仍怯。  
山抹晴霞睡漸醒。獨老容顏渾自厭。前途花鳥莫相形。

伏波營畔揚舫晚。愁對生盤細菜青。

橫石

橫石剷不開。生憎梗江路。白浪益船來。洶洶上天去。

清浪灘神鴉詞

伏波廟前祀神畢。廟下千鴉萬鴉出。東船西舫亂飛鳴。  
爭向手中來攫食。船人對鴉如對神。客人打鴉投自陳。  
船頭設素尾腥葷。渠本無知鴉莫瞋。神鴉見食更來止。  
果腹送灘三十里。

桃源舟中

一片琉璃境。時聞欸乃聲。舟辭清浪穩。山過綠蘿平。遠

樹浮天去。激江抱日行。花源何處問。桑竹繞春城。

卻寄虎癡教諭黔陽

本朝經史學。事事尊獨造。文書積斷譌。金石啟先覺。亭  
林開厥步。繼踵益騰趨。鬼神不自祕。樵牧相競告。九州  
無人區。一一動光耀。極盛稱乾嘉。有製各雄鷲。尋常抽  
一義。歐趙不能傲。我生諸老後。慵音享成漕。斤斤抱遺  
文。驟未通閩奧。詎知甯鄉黃。欲領首還掉。時地既有封。  
吉樂偏所繫。訪錄及萃編。云備才稍稍。筠清一生力。搜  
括空四壤。猶然意未厭。謂十五遺照。七年客其幕。補綴  
就精到。南海吳荷屋丈開藩湖南瀕如江河匯。眾派皆

野滂。辨燧雲在機。貫穿酒引醉。區分百徑交。錯布列星

遶。國門更誰易。今古可陵暴。才多不稱世。寂寞老荒校。

南海歛古人。福墨隔嶺嶠。未知尚無恙。來者定珉瑁。龍

標瀕水驛。走訪穢予權。因緣問前蹤。回首重嗟懊。近書

叢四部。鉤記悉要妙。逸志抽古華。斷集檢沈瑯。所編古

方付刻重編顏魯公文集一斑乍窺覘。愈令想全豹。謂

附顏書編年錄已刻成一斑乍窺覘。愈令想全豹。謂

余置之去。豈直螢與燭。昔者誤耽此。汲汲矜壯少。不信

有力彊。能聚端在好。編摩豈關命。顯晦竟難料。長蘆失

昆田。餘望尚孫稻。棲霞傳郭學。舉案得同調。只今兩無

冀。老影自悽甲。虎癡舊有二子一以繼其兄花耘並詩

書聊遣日。結習久空掃。長物猶一身。餘者復何鬧。時儒誦千名。漫浪守津要。相循更推援。臭味同一窖。揚揚各殊尤。飽死未容笑。固知先生心。寒餓甘所蹈。身事亦何感。天地豈忌媚。遺我孟郊書。隱隱寄深悼。茫然激旁憤。筆硯真可燒。還思元夫言。禍福固無較。未聞崑山業。授受必翼掩。未聞平津書。采薇定能校。人生患無稱。稱者安用膠。沅無雖細流。荇藻亦可現。西齋開敬學。廣廈增覆燾。禮樂還孔物。喪祭守周教。何殊文高風。石室卽祠廟。我家二水頭。索處生曠眊。每聞天下士。結思擾風燾。追思廿年遊。老輩日彫耗。荒途喜良覲。寒沍變春燠。長

年迫程期。趣別餘戀嫪。願君調夙悲。頤養待來學。歸來仍此途。旬日擬吟嘯。還期羅未聞。徐徐飽清犒。

泊鄒溪贈同舟何玉山瑞堂趙伯庸廷銘王子正

錫楷楊深之金湛諸孝廉

兄弟同一家。一日有暫離。卅月萃良友。相守過連枝。同舟雖偶爾。疑亦天所私。坐恐登陸去。前後遂參差。相對各戀惜。何時復如茲。耘筭猶釘盤。高歌助清醜。勉盡今夕歡。晨雞以爲期。諸君方駸駸。在驟不可羈。顧我老難策。優容略瑕疵。人生固有命。努力亦有時。令名好攜取。家尊得歸詒。我行已爲贅。念此空悽其。

鄒莊簡墓

名文盛正德中曾官貴州巡撫

後岡前道倚高墳。衰柳長蕪襯薄曛。長者競談鄒閣老。  
史載莊簡官至戶部尚書。今其鄉人則皆呼鄒閣老。爐山曾下李將軍。龜趺野爨  
侵殘燒馬跡。荒原亂晚羣。我是部毗增悵惘。不堪回首  
密西雲。

公安縣

頻年虛井稅。結網當春耕。天地此洼縣。江湖非呂營。北  
風吹野水。寒日下孤城。莽莽無人徑。蕭蕭蘆荻聲。

李家口

輿過蘆林合。路迴沙岬傾。霜花散襟袂。煙草涵空明。率

略兩三戶。荒涼前後程。無從尋舊驛。迷望一心驚。

江陵除日

去歲旁溝分歲遠。今年更在郢城隈。男兒豈傷長途老。  
江水猶連故國來。晚角數聲迷楚澤。寒梅一徑繞章臺。  
何堪西鄉溪頭橋。卻對荆人利市杯。

右三卷 存完於同治八年三月 客居瀨

陽狄氏時讀畢



第三卷 遺草 閱過未盡經意也 又記



邵亭詩鈔卷第三

受業張其詔  
弟祥芝同校

